



GOVERNMENT OF NIUE

FAKAILOAAGA MAHUIGA

COVID-19: TUMAU A NIUE KE FĀ E TAGATA GAGAO COVID HE TAU KAINA PUIPUI

Alofi, Niue – 24 Mati 2022 – Ko e pouli he pō nei kua fakailoa he Fakatufono ha Niue he oti e tau tivi he aho ke tolu aki he tau tagata i loto he tau kaina puipui kua tumau ni e numela ke he fā e tagata kua moua e gagao COVID-19.

Talahau e Palemia ha Niue, ko e Lilifu ko Dalton Tagelagi ko e tau tagata toko fā nei ne moua e gagao COVID-19 kua hohoko mai a lautolu ki Niue he aho Gofua 22 Mati 2022 mai i Niu Silani mo e falu foki kua tumau a lautolu ke malolō.

“Ko lautolu nei ne moua e gagao haia ne nonofo he tau kaina puipui gagao kua malolō a lautolu mo e nakai fai fakakiteaga gagao ka ono mata kia ia,” he ui e Lilifu ko Tagelagi.

Ko e tau tagata oti he tau kaina puipui ne tivi he aho nei kua mitaki oti ha lautolu a tau tiviaga mo e to liu ke tivi he aho ke fitu aki. Ko lautolu foki e tau tagata gahua kua mitaki foki ha lautolu a tau tiviaga.

Ne liu foki e Palemia ko Tagelagi fakamanatu ke he tau tagata ō fenoga oti ka tukufenoga mai ki Niue, kia fakakite kua nakai moua he gagao COVID-19 mai he puhala tiviaga, PCR ne kua taute 48 e tulā to tukufenoga mai ki Niue, mo e tivi he puhala mafiti, rapid antigen testing, he tau pulotu fifili pauaki, he aho ka fakatoka e fenoga.

“Ha kua malikiti hake e tau numela he tau tagata ne kua moua e gagao COVID-19 ki Niu Silani he magaaho nei, kua ole ke he tau tagata ō fenoga oti ka tukufenoga mai ki Niue mai ki Niue ke tivi 48 e tulā to hohoko mai,”.

Kua manako e Fakatufono ke tuku atu e tau manatu fakaue ke he tau tagata he motu ha kua tumau ke fakanogonogo ke he tau hatakiaga ke puipui a Niue. Kua kitia foki ke he magaaho nei kua malikiti hake e numela tagata kua fakaoga e tau puhala utatua tagata ko e Rocksafes mo e muitua ke he tau fakailoaaga.

Ne talahau foki e Lilifu ko Tagelagi, ko e amaamanakiaga ke totoko e gagao nei mo e taofi ki loto he tau kaina puipui mo e nakai hoko mai ki fafo ke pikitia e tau tagata he mou. Kia fakatumau a tautolu ke puipui mo e fekapitigaaki he tau magaaho nei ke monuina a tautolu”.

“Ko e hatakiaaga ma e COVID kua tumau ke he Lanu Ago ha kua fai gagao e motu ka e tautaofi ke he kaina nofo puipui gagao.”

FAKAOTI